

დანაშაულის პრევენციის ცენტრის სამმართველოები

- **ადმინისტრაციული სამმართველო**

ადმინისტრაციული სამმართველო უზრუნველყოფს: ცენტრის თანამშრომელთა დადგენილი წესის შესაბამისად დანიშვნის, სამსახურებრივი გადაადგილების (გადაყვანის), გათავისუფლების, წახალისებისა და დისციპლინური პასუხისმგებლობის ღონისძიების გამოყენების, შვებულებისა და მივლინების შესახებ ბრძანებების პროექტების მომზადებას; კონკურსთან და სტაჟირებასთან დაკავშირებული საკითხების ორგანიზებას, თანამშრომელთა სამუშაო აღწერილობების მომზადებას, სამსახურებრივი მოვალეობებისა და სამუშაოს შესრულების კრიტერიუმების დადგენას, თანამშრომელთა პირადი საქმეების წარმოებას, შინაგანაწესის შემუშავებასა და მის შესრულებაზე კონტროლის განხორციელებას, დირექტორის ბრძანებების რეგისტრაციას, საჯარო ინფორმაციის ხელმისაწვდომობას, ცენტრში ოფიციალურად შემოსული და გასული კორესპონდენციის დამუშავებას, რეგისტრაციასა და დროულად მიწოდებას ცენტრის ხელმძღვანელობისთვის, ცენტრის მიერ განხორციელებული საქმიანობების გაშუქებას, საზოგადოებასა და მედიასთან ურთიერთობას.

- **ეკონომიკური სამმართველო**

ეკონომიკური სამმართველო უზრუნველყოფს: ცენტრის ბიუჯეტის შემუშავებასა და საბუღალტრო აღრიცხვის ორგანიზებას, თანამშრომელთა ხელფასების გაცემას, ორგანიზაციებთან და ცალკეულ პირებთან წარმოშობილ ანგარიშსწორებათა აღრიცხვას, არაფინანსური აქტივების ინვენტარიზაციას, ინვენტარიზაციის შედეგების დროულ განსაზღვრასა და ბუღალტრულ აღრიცხვაში მის ასახვას, სახელმწიფო შესყიდვების პროცედურების ორგანიზებას და ხელშეკრულების მომზადებასა და გაფორმებას, ბიუჯეტის და ბიუჯეტგარეშე სახსრების ხარჯთნუსხის შესრულების ანგარიშის შედგენას და მის წარდგენას შესაბამის სამსახურებში, მატერიალურ-ტექნიკური საშუალებებით უზრუნველყოფის ორგანიზებას, სახაზინო და საბანკო ოპერაციების წარმოებას კანონმდებლობის შესაბამისად, ბალანსზე რიცხული არაფინანსური აქტივების დაცვას, ცენტრის ფუნქციონირებისათვის საჭირო კომუნალური და სხვა მომსახურების ორგანიზებას, მატერიალურ-ტექნიკური საშუალებებით უზრუნველყოფის ორგანიზებას, სასაწყობო მეურნეობის სწორად წარმართვას.

- **დანაშაულის პირველი დონის პრევენციის სამმართველო**

დანაშაულის პირველი დონის პრევენციის სამმართველო უზრუნველყოფს დანაშაულის პირველი დონის პრევენციის მიზნით, 14 წლიდან 21 წლამდე ასაკის ახალგაზრდებში ჯანსაღი ცხოვრების წესის პოპულარიზაციას, მათთვის კულტურულ-შემოქმედებითი ინიციატივების განვითარებას და დამოუკიდებელი აზროვნების ჩამოყალიბებას, სხვადასხვა ასაკობრივ ჯგუფზე ორიენტირებული პროგრამების შემუშავებასა და განხორციელებას სპორტის, ხელოვნებისა და კულტურის, განათლებისა და მეცნიერების, არაფორმალური განათლებისა და მოხალისეობის მიმართულებით, პირველი დონის პრევენციის აქტივობებში ცენტრის სხვა ბენეფიციარების, მათ შორის, ყოფილი პატიმრების ოჯახის წევრების, ჩართულობის უზრუნველყოფას, მოხალისეობრივი კულტურის პოპულარიზაციას, დანაშაულის პირველი დონის პრევენციაზე მიმართული საქმიანობების პოპულარიზაციას და მათში მოქალაქეთა ჩართულობის გაზრდას, შესაბამის საქმიანობაში ჩართული ახალგაზრდების პროფესიულ გადამზადებას, დანაშაულის პირველი დონის პრევენციაზე მომუშავე ადგილობრივ და საერთაშორისო ორგანიზაციებთან ურთიერთთანამშრომლობის გაზრდას. დანაშაულის პირველი დონის პრევენციის სამმართველო ახორციელებს [„ლიდერთა სახლის“](#) პროგრამას.

- **დანაშაულის მეორე დონის პრევენციის სამმართველო**

დანაშაულის მეორე დონის პრევენციის სამმართველო უზრუნველყოფს: მეორე დონის პრევენციის პროგრამების/პროექტების შემუშავებასა და განხორციელებას, რისკის ქვეშ მყოფ ჯგუფებს მიკუთვნებულ არასრულწლოვანთა ერთიანი მონაცემთა ბაზის შექმნას, რისკის ქვეშ მყოფი ჯგუფების საჭიროებების კვლევას, რისკის ქვეშ მყოფ ჯგუფს მიკუთვნებული არასრულწლოვანის ოჯახის წევრებთან მუშაობას, რისკის ქვეშ მყოფ ჯგუფებთან მომუშავე სპეციალისტების პროფესიონალიზმის ამაღლებას დანაშაულის პრევენციის მიმართულებით, რისკის ქვეშ მყოფ ჯგუფებთან სამუშაოდ რეგიონული რესურსცენტრების შექმნასა და ფუნქციონირებას, რისკის ქვეშ მყოფ ჯგუფებთან მომუშავე სახელმწიფო ორგანოების საქმიანობის კოორდინირებას.

- **განრიდებისა და მედიაციის სამმართველო**

განრიდებისა და მედიაციის სამმართველო უზრუნველყოფს: [განრიდებისა და მედიაციის პროგრამის](#) მართვასა და კოორდინირებას, პროგრამასთან დაკავშირებული სამართლებრივი ბაზისა და მექანიზმების დასახვეწად რეკომენდაციების შემუშავებას, კომპეტენციის ფარგლებში, განრიდებისა და მედიაციის პროგრამაში ჩართული პროფესიონალების კვალიფიკაციის ამაღლებას, მედიაციის სახლის საქმიანობის დაგეგმვასა და განხორციელებას, განრიდებისა და მედიაციის სფეროში უწყებათაშორის კოორდინაციას, განრიდებისა და მედიაციის

პროგრამის, აგრეთვე, ზოგადად, აღდგენითი მართლმსაჯულების მიდგომების პოპულარიზაციასა და დანერგვას, მედიაციის გამოყენების სფეროების გაფართოებასა და შესაბამისი მეთოდების დანერგვა/პოპულარიზაციას.

- **ყოფილ პატიმართა რეაბილიტაციისა და რესოციალიზაციის სამმართველო**
ყოფილ პატიმართა რეაბილიტაციისა და რესოციალიზაციის სამმართველო უზრუნველყოფს: ყოფილ პატიმართათვის საჭირო სერვისების იდენტიფიკაციას და არსებული სერვისების შესახებ მათ ინფორმირებას, ცენტრისადმი მომართვიანობის გაზრდას, მათ შორის სასჯელაღსრულების დაწესებულებებში რეგულარული ვიზიტების განხორციელების გზით, ყოფილი პატიმრების მომართვიანობის აღრიცხვა/გადანაწილებას, მონაცემთა დამუშავებასა და ანალიზს, ბენეფიციარების შეფასებას, მათი საჭიროებების გამოკვეთასა და პროცესის მონიტორინგს, ბენეფიციარების და/ან მათი ოჯახის წევრებისთვის საჭიროებებზე მორგებული სერვისების მიწოდებას, ყოფილ მსჯავრდებულთა რეაბილიტაციისა და რესოციალიზაციის სახელმწიფო სტრატეგიისა და სამოქმედო გეგმების შემუშავებაში აქტიურ მონაწილეობას, ყოფილი პატიმრების დასაქმების მიზნით, სოციალური საწარმოების შექმნისა და ეფექტური ფუნქციონირების ხელშეწყობას, ცენტრის სხვა ჯგუფს მიკუთვნებული ბენეფიციარებისთვის მომსახურების გაწევას. სამმართველო ახორციელებს ყოფილ პატიმართა [რეაბილიტაციისა და რესოციალიზაციის პროგრამას](#).
- **კვლევისა და სერვისების განვითარების სამმართველო**
კვლევისა და სერვისების განვითარების სამმართველო უზრუნველყოფს: ქვეყანაში არსებული სერვისების მოკვლევასა და ანალიზს, სერვისების ერთიანი ელექტრონული ბაზის შემუშავებასა და მის მუდმივ განახლებას, ყოფილი პატიმრების, განრიდებულთა, რისკის ქვეშ მყოფი ჯგუფების საჭიროებების კვლევასა და მათზე მორგებული სერვისების დანერგვა/განვითარებას, შიდა სერვისების კომპონენტის განვითარებას, სერვისების ერთიანი სტანდარტის შემუშავებას, დანერგვასა და მონიტორინგს, პროფესიონალების ახალი ცოდნითა და უნარ-ჩვევებით აღჭურვას მომსახურების ხარისხის ამაღლების მიზნით, ცენტრის პარტნიორთა ქსელის შექმნას და მის მუდმივ გაფართოებაზე მუშაობას, სამინისტროს მიერ დაფინანსებული და ცენტრის საქმიანობის სფეროს მიკუთვნებული საგრანტო პროექტების მენეჯმენტს, ადგილობრივ და საერთაშორისო ორგანიზაციებთან თანამშრომლობას და ალტერნატიული დაფინანსების წყაროების მოძიებას.